

集部

欽定四庫全書

1集部 無濟堂文集卷二

詳校官檢討臣劉錫五 助教臣常循覆勘

總校官進士臣終 校對官中書臣田尹街 謄録 監生臣馬

琪

堪

兼齊堂之集 圖修省以祈 の経路 士魏喬介撰

該感神從古然矣兹者自春及夏雨澤未降業軫 警之人主敬謹天戒則亟修仁政以回之惟德格天至 甚微休咎之徴不爽故天心仁爱人主公屢出災異以 天祐治事臣聞之天道與人事非有二理也感應之際 察禮部移文內欽天監具題推算於順治十四年五月 異常火災三日之內連焚二堡臣思火災皆係旱徵伏 宸處便令羣臣齊心祈禱又問邸報見陝西巡撫題報 日葵如朔日食又於本年五月十四日夜十五日

一 飲定四庫全書

者日光過望選奪月光是為陽勝陰也日食者日月同 過災恐懼因變禳救况我 月交食况月食至既亦屬災變此在漢唐宋令主尚能 為始陰微而即抗陽其變非細于五月望後月食為日 會月掩日精是為陽不勝陰也今五月朔日食在易卦 弗講乎告漢文帝癸亥日食詔舉賢良方正直言極諫 已望月食臣備臺端覽之不勝悚懼謹按經傳月食 上無事無念不敬天勤民尚德緩刑者修省之實可 大野地と

欽定四庫全書 一動下該衙門速為察奏取自 恩詔未見消洗所宜 之士今 皇上創建内殿尊 皇上虚懷求言言路未當壅閉但累年以來豈無敢言 力繕修官宇自戒今 上裁廣闢言路者也苦漢明帝十月日食詔以輕用民 之士緣事降斤沈滯下係屢逢

祖奉 - ペーフ・ー ハニ 功令森嚴人知懲懼然自古相傳律有枉法不枉法 動諭所司 先孝思不匮其工難緩至於此外凡係土木之工不論 政垂意洪範之法今官司貪墨立法不赦 漢光武七年三月晦日食大中大夫鄭興上疏曰國無 善政謫見日月要在因人之心擇人處位留思柔克之 切報罷於以省財足用專意養兵邮民背 1 兼所堂文集

免似宜 銀定四庫全書 能如因錢糧鐫繭仍聽撫按保留務從民望昔漢明帝 恩赦宣尚有刑之未詳究之未理所應有司奉行不實 恤刑己畢又屢經 動下吏户二部採取衆議量從寬減地方守令果係賢 宜稍加分别若錢糧考成恭罰太急降調日多循吏不 **露役上下其手** 十三年十月日食詔刺史太守詳刑理冤存恤鰥孤分 X

宜 **校事宜馬上飛傳各省直督撫按速為清理仍將開** 德意籍逐今宜請 過定滯姓名件數覆報部院以憑稽察若夫鰥寡孤獨 |政所先裁減議及所省甚微五品以下俸禄更薄似 正殿寝兵部有司各上封事今連年征戍寇盗未靖 下該部將應 j 併照舊支給音漢章帝永平十 之使逍遥 驛路 兼衛堂文集 月晦日食子

將欲進取必須足的然天行九旱饑饉可虞 春聽伏真 考諸往古驗之當今俯竭愚忧仰瀆 其二三省數千里往来之勞節數百萬供應之費待歲 廟堂勝算宜令南方專意招撫固防險隘旗下戍兵減 變之後念海宇之初平則以寬大為務恐縣盈之易至 **稔財豐方可决意大舉以上各數臣不敢為無稽之說** 一深思速應救之於未變之前修德緩刑持之於既

銀定匹庫全書

くこうえ 顺治十四年四月初八日奉 故事庶可以轉禍而為福變災而成祥將甘雨遍浹干 嚴飭內外大小臣工改過洗心勉盡厥職以 寧招攜懷遠文德是尚仍 古這奏事關朕躬的知道了餘著詳確 郊原丙三光亦為之改色矣 國為家視民若子勿徒襲自劾之虚文勿止修救護之 則以節儉為先民力將竭用 1111 兼清堂文集 撫宇宜圖疆場

法 臣工 金月四月百書 察院左都御史加 何宜有實政疏 **東點貪人** 級臣魏裔介謹 臣所以肅 該部知道

大八日五 在 益自布政司及知府以下皆古方岳五等之職也無按以天 者進而不肖者退則能為 之職而欲其賞善罰惡以肅 社稷而福庇蒼生是治天下之大綱領也然天下之大 朝廷與利除害以捍衛 君之法度也故赏罰得其道則賢者進而不肖者退賢 子之近臣為之故曰巡撫巡按其實皆以代天子巡狩 有司之衆人主不能盡知故以稽察之權責之於無按 和清堂文集

必盡登於事而滥等赝鼎或以縣職華無矣即如從来 皇上嚴法痛懲大小臣工凛凛然皆有奉公匪懈之心 善而去惡也自明季以來吏治混淆我 明不可不公不可不嚴所以奔走天下之有司使之為 朝廷之法度也然撫按之所重者固莫如舉劾有司矣 吏治較前已覺改觀然而舉薦之浮文未去則真才未 樂劾當則賢否明舉劾不當則賢否混故舉劾不可不 相沿為舉俱用四六繁文不曰驚雷掣電之才則曰雕

金月四月月十日

とこうら シー **套虚文者該部院科道糾祭議處臣所謂薦舉宜有實** 庫之類開列本内多者六七件少者二三件如 各官廉能勤敏俱要將所行事實如農桑學校城池倉 御屏日註而真才真能未盡得其人也臣以為祭劾皆 龍繡虎之手如此等語不可勝數究其實政一無可搖 勿怪乎薦剡時聞 大計舉薦卓異之例方許註冊陞轉如有仍襲從前陋 列事數舉薦豈尚虚丈自今著為定例几無按薦舉如 兼衛堂文集

害臣請如會與所載九貪酷官員五品以上祭題六品 古文到之日動經數月食官乘機肆虐寧不為地方之 古之後部院文到方始羁候彼不肖官吏已知身被祭 論必且極力沒剥况川湖関粵遠省地方自具疏赴京 政者此也又如貪酷官吏或從巡歷告發或以府道 及奉 報該撫按會同本道從公話察如果真實即宜一 面羁候過来因仍舊習雖係食酷官員奉 一面

金片四月至書

許四五人其提薦過两次者似應准一正薦紀録事體 薦六七人者提薦只許六七人正薦四五人者提薦只 紀錄考滿年限之法不明則吏治終不可清臣以為 **應矣臣所謂貪酷難以姑容者此也舉薦不尚虚文而** 各有不同如捐助銀百兩即得紀錄此可與他事紀錄 又蚤懲貪酷舉劾之大綱领得矣然提薦之滥不革與 てこうう ハトラ 及正薦者並論乎合無將捐銀紀錄者另行改議不准 下先拿後題則貪酷之吏震發喪魄有以更變其志 兼濟堂文集

轉與為多者一體並論則舊典無存其意若府州縣官 政事錢糧皆得清楚然後給由乃不得邀陞權之典甚 抵薦或兩次抵一薦猶可少協衆心若夫考滿之官必 又皆所以嚴舉劾而明賞罰之大端總以澄清流品鼓 行罰治以上清提薦覈紀錄重考滿定年限此四事者 到任未及半年之上而撫按薦舉者一縣不許註冊仍 舞吏治使海内有司專務實政而不為粉節奔競之行 可惜也自今以後合無將考滿官員或遇行取或遇陞

多片四库全書

P

古吏部議奏 占 蒸不變矣臣未敢擅便為此具本謹題請 宸鑒勅議著為定例將見循良接踵於世而餃壬亦夢 都察院左都御史加一級臣魏裔介謹 順治十五年二月二十日奉 くこうこ 以共趨於為善之路也如果臣言不謬伏祈 明藩泉之職掌疏 1.4: 依濟堂文集

得失風教威哀無不由之其各項錢糧自會計徵收支 在保盤為諸司領袖儿一省官吏藏否軍民利病政治 靈通手足振舉實政得以修立也臣查舊典布政司職 多垂賢否以溷故必正藩臬之職掌然後無按之耳目 然而藩泉之職掌未明則因循度日諸事叢脞將是非 言舉刻之綱領既已責成撫按以旌善無惡之實政矣 超定四样生意 解靡不督聚周詳此外如課農桑均户口清沉濫禁奢 題為明藩泉之職掌以行察吏安民之實政事臣前疏

豈是如此夫一人之心思何如二人之心思更為詳密 坐右布政使退避私寓竟為曠閒無事之人設官初意 糧開報賢否而外其餘職掌所載多不修舉尤可異者 宣達德意務察冊籍或徑自施行或呈詳無按期於事 官分左右職掌則一不知起自何時左布政使登堂獨 靡簡微於恤狐窮正士風通商販品評僚屬釐別蠹弊 事合宜庶不負承宣之職乃臣觀近日藩司自催辨錢 人之精力何如二人之精力更為周到臣以為掌印

KIUDIAL CIANO

兼濟堂文作

會疏題 職司風紀肅清庶務故死刑皆由按察司轉京詳者盖 金月日月日日 按臣所謂藩司之職掌宜明者此也又察得舊典泉司 題祭重治其餘農桑户口等事逐件從實舉行登報無 必該司以為可殺而後以聞誠重之也若可矜可疑及 以後如左布政攬權自便俾右布政不得登堂理事者 軍徒杖笞情可原宥者該司皆得批駁覆數呈詳無按 自當歸左布政使丙 切料理事務以二人同之自今

欠とりにいう 政簡刑清臣以為各府州縣獄中罪人因何事故自何 刑部審理恤刑京詳等事不下數千餘件其中多有自 兵備皆係按察分司若不立法稽察何由申冤理滯仰 元年以来陳積舊案則知從前臬司全未料理况各道 以官為傳舍而盡心者少即如臣恭順憲院以來會同 事情俱得祭呈拿完臣觀近日泉司數月即陛藩司故 年緣事何官審理因何未結各府州縣每季俱要造世 兼濟堂文集

請至於郡縣官邪吏蠹土豪勢惡邪教一切不公不法

按之考察藩身也惟視其職掌之修廢以為舉刻則其 按臣所謂泉司之職掌宜明者此也藩泉之職掌明無 致淹滞以傷 有無故繁微及淹滯困斃者將府州縣職官察恭從重 仍歲報刑部及臣衙門以憑察考如此則刑獄得清不 天地之和其餘官那吏處等事逐件從實舉行登報撫 本申報本道本道呈送按察總司總司呈報撫按若 罪其按察司既將每歲府州縣獄犯呈報撫按撫按

金月四月五十月

楊清之規矩準繩也自明季以来愦愦已久當今 古該部議奏 法以革積習相沿之弊如果臣言不謬伏真 皇上求治若渴责成撫按以澄清吏治必先自澄清藩 欠己日三 二十 順治十五年三月初八日奉 睿鑒施行 泉始臣謹臚列其職掌之所宜明為撫按澄清大吏之 餘道府州縣誰不各盡其職掌者所謂貞度肅憲激濁 於衛堂之具

題為與利除獎之大莫若裁併衛所丁田歸之州縣以 無事則耕故養兵百萬不費民間一錢其後法廢而兵 足财用以蘇民生事臣察得明朝初該衛所有事則戰 都察院左都御史加一級臣魏裔介謹 銀月四月百十 政亂盡用招募之兵是衛所之軍在明正統後已無用 與利除弊之大疏 卷二

矣其相因不變者盖以設立衛所係其祖制而指揮千

百户管軍之官又皆開國從征有功者子孫世襲難以

漕運之役直隸河南諸省有修邊之役雖役輕於民尚 量收籽粒而已然明制以衛軍不可戰守江南諸省有 アスリラ シンラ 賦外其餘一無所事賦又輕於民間民間供應兵馬徵 所田地自明正統以後大半賣與豪强有力之家不過 革除故因衛所而屯田其實屯田亦係紙上空言蓋衞 以北各省直軍丁既不漕運又不修邊不知所司何事 有用其力之處也今江南諸省固有運糧之役而大江 乃舊日千百户等官猶假借名色濫免差徭軍丁除正 我濟堂文集

現役一 此而言天下可知竊以為民困未蘇古今倘枯不平之 收料粒備文報數而已而近屯居民無不被弁軍魚肉 真定亦係有衛所地方如唐山干言等屯相去真定 糧運草驛遞夫馬城池道路愈解物料馬價錢糧里甲 金月四月月日 以軍富而民貧以軍刀而民懦積習既人莫敢與抗也 一百里其衛所掌印官未當身歷屯地不過委官徵 如雞澤縣軍民地各居其半其賦役亦大相懸絕推 切雜泛差徭繁難百倍於軍軍皆不與臣生長

火とりるとなり 役不得均平三百年之凤獒不除二也地方曠遠官法 銷明季世襲不肖之心四也若因循不變則有四大害 弊二也有司督率權勝武弁荒蕪可墾户口可添三也 者甚多若將不運糧衛所歸併附近州縣管理則有四 都司守備經歷等官俸新所費不貨一也軍樂民苦係 大利省官吏衙役俸薪一也均民間差徭除三百年夙 以為或累於民臣竊思漕運衛所有限其非漕運衛所 事未有大於此者議者皆知衛所可裁但以漕運之故 兼濟堂文作 古

動下該部詳察明朝一代衛所與廢始末及 銀好四百五十十 睿鑒施行 本朝時勢不同之故詳議以 漁孤弱四也故臣以為除運糧衛所及邊方衛所不裁 不及隱藏熟地脱漏丁銀三也世襲豪霸雄長其地侵 果臣言不謬伏真 此與利除獎之大政而亦富國安民之第一者也如 其餘盡行歸併相隣州縣官有司管理仰祈

聖化 題為滇默已歸 都察院左都御史加 古該部議奏 くこうこ 天安門外會推 顺治十五年五月十一 廷撫恤少周並請 請劉撫殘冦疏 1. 11 即聞雲南之捷九 一日奉 級臣魏裔介謹 便齊党文集 **一残鬼以人民生事臣昨** 卿科道等官其不舉 t

皇上德媲堯舜功過漢唐 調度有方將士奮勇効力克奏脣功有功人員通著察 沿途招降偽將偽官並馬步兵丁甚多具見王等悉心 古覽王等奏進取雲南擊敗城衆三路大兵俱抵省城 皇上仁威之遠播也十三日晚接邱報見信郡王平西 首加額慶 多好四样全書 明議敘兵部知道欽此臣竊惟 王征南大將軍開復雲南諸疏奉

皇上之折衝樽俎决勝千里也成都千里號稱沃野雲 能久是在 李定國逃遍永昌其勢已迫若果悔罪來歸不妨許以 後並革面以来王誠所謂兵不血刀有征無戦者也但 侯封之爵倘怙惡不悛便當窮兵追討井底遊魂其何 順天應人而合道是以當揆文奮武之際與弔民伐罪 **狼信思顺以尚賢** 師遂使蠶叢魚見之區金齒繡面之地成角崩而恐 東京之文集 끘

宜 地或應移鎮險要是在 守門戶不守堂與平西與請南平南三王應否仍居故 金完四庫全書 新附之氓薦地方人才以收嚴穴之士用楚學科貢以 皇上之長處却顧計圖久遠也若夫捐無名賦稅以慰 南風土亦近中華非得重鎮莫能彈壓臣聞兵家之法 任守土之官恤投誠文武以来脣敏之彦览一切法網 以安溪洞之蠻臣於順治十五年正月有宏陳進取事 疏尚未詳盡此其事關各部宜若極羽較焚為 T.

毒新聞沿海縣然以 為諸臣恥之更祈 皇恩而桑榆不効誅討無功悉索散賦疲於奔命臣竊 台州之役已過邀 玩幆未見奏捷豈控禦之無能耶抑心力之未盡耶况 天道人事觀之皆其珍滅之時矣向来督撫鎮將優将 皇上恤此残黎也南方既已教寧惟有逆寇鄭成功流 天語嚴加申飭責令督臣會同撫鎮詳議方畧具奏必 こうこ 東南 聖文集 5

國家永真無疆之休矣臣無任大馬區區之誠伏真 則民生均沾太平之樂而 其餘曠遠地方凢有遗寇並責成各督撫鎮劉撫乘施 如何而後鄭賊可滅海波可清効則膺破格之封賞不 顺治十六年二月十五日具題本月二十日奉 則治督撫鎮以無能之罪庶行問鼓勵積惰之氣為 振而浙開粤東之民有出水火而登在席之日也

題為請停察荒之差以休東省之民以免無益之舉 檢括天下户口田賦百姓苦之明定熙之初天下土田 古該部議奏 ここうこ 太子太保都察院左都御史加一級臣魏裔介謹 八百五十萬頃至萬歷之初已及二百餘年弊偽百出 小桁昔漢文帝捐除田稅化行天下唐用宇文融之言 竊惟藏富于民者寧邦之要道搜利無遺者聚敛之 請停察荒之差疏 東齊皇文集

銀定匹庫全書 乏鳥不可拔其羽初植之木不可摇其根也而况東省 問臣張居正始建清丈之議不減額亦不溢賦期于利 利亦無所獲目今大兵征滇雲者自南而北劉海寇者 事也今天下初定民之瘡疾未平呻吟未息譬猶初雅 民然不過責成各無按督率道府州縣設法丈量彼時 之民困於修河困於拉船困於驛站困於防海漁網之 天下田畝有熟無荒猶且數歲而役畢非一歲可竟之 自北西南其間供應夫役轉輸糧草徵發日需數干

1

|幾矣今專官往察雖有賢者亦不能無援民之事何者 復擾之耶然使前此未經開報則專官往丈或可增益 養未免失時官吏奔走胥贏侵村民之困苦已極尚堪 也國賦未增而民力已困矣上無益於 調官吏集者老督里保較尺寸道里遼潤差役紛紜飲 数百姓莫之控告也東省之田即再加勾考搜括亦無 田賦乃原任巡撫耿焞開報已盡言者循以為中多虚 食供應風雨速運果能倕般之巧而鬼神之運乎不能 141.4-2.14

一致定四庫全書 差仍責成山東撫按官督率道府州縣設法丈量報繳 國下無利於民皇皇者華遵周道而馳驅豈所謂詢民 苦至極也竊以為多事不如省事愛國必先愛民敢不 國用段繁前此猶與多增賦額以濟仰屋故未及言今 足哉臣因 為便但能撫恤多方生聚日繁荒何患不墾賦何患不 既知其增賦無幾徒多紛擾而且見目下山東之民困 疾苦之意耶故臣愚議以為察荒御史宜停止不必復 人

古户部議奏 客鑒施行 都察院左都御史臣魏裔介謹 皇上嘉恵元元之意敷陳區區之思伏龔 顺治十六年七月十三日奉 ここう シーハニー 仰體 為指陳畿輔盗賊充斥之根源總由滿洲莊屯防 **抬陳畿輔盗賊疏** 根濟堂文集 产

古嚴飭責成實行保田譏察之法以靖地方事臣惟古 銀片四年全書 值遂為保甲所不能機察之人此中藏好影射引誘旗 今弭盗安民之方無如力行保甲之法然近日止通行 之球縱請 于漢民村莊而滿洲莊屯則格格不行矣於法固非盡 不至是以畿甸近地失事極多向使滿洲莊屯防範局 下之人濟惡為盜挟矢張弓成羣馳驟出入無忌何所 且畿内房地既經圈佔民多債居滿屯房屋傭工價

隱忍含糊畏首畏尾絕不敢申報奏 治有城有池自非窩遠村落荒凉無備者比賊既入城 輔近地等事一疏奉 番嚴察議奏該部知道欽此臣益不勝駭興夫近京縣 古據奏房山定與盜賊入城刮官該地方官所司何事 輕拿養癱致潰匪一日矣項閱邸報見科臣關挺達 聞及失事之後眷後躁緝明知其為真盗而懼勢不敢 こうし ここ 於齊堂文集 Ē

密漢民保甲設誠力行何至有此公行盗賊耶地方官

塞源盗風何日得息民生何日獲安即滿洲莊屯旗下 情與習為故常致使狡賊窺破官司底裏愈肆横行復 劫官庫獄已不可問撫按未見奏 多定四库全書 曰城外屬廂今房山定與意關入城內則城外村疃之 何所顧忌哉去年永清縣南閣失事雄盗拒敵傷兵猶 劫殺者不知幾何家幾何命矣若不嚴行振飭拔 之被漢民引誘為盗以死於西市者何日而止 不知道府曾否申報撫按也鎮將有無緝捕也欺隊 人 臣 H

每日之中多至二三十起既贓真正確欲生之則無由 大三日日 二十 少一人雖可恨亦甚可憫也如無漢民通線引誘則旗 力未有不相從為盗者為盗則必殺殺一人則壯健者 耕種水旱無收或嫖賭浪蕩無聊而漢民誘之餌以財 壯慣經戰陣攻城掠地曽為國家出力或糧鉤用度不 也染毫畫題又不禁雙淚欲下矣因念旗下舊人多精 足自給斷不能捋茶站苦與農夫菜傭同甘淡淨也或 同刑部大理寺核擬强盗諸案每案之中多至十餘 兼済堂文集

豈非臣下之咎哉為今之計惟有仰乞 朝夕約束互相機察不許無故挟帶弓箭騎馬出屯若有公 漢人有地方保長旗下則責成本管莊頭及撥什庫等務要 旗下人另為一牌若不足十家者四五家亦可立為一牌其 家家編排保甲不拘與旗下彩居散居務要十家奏成一牌 所文武各官及滿洲莊屯旗下人等將雜居滿屯漢民 天語嚴加申飭直隸撫按轉行各該地方道府州縣衛 金少口母子言 下不知失主虚實不敢行劫而今防問無法弭止無術

盡行打牆堵塞只留應行道路安設柵欄畫夜啓閉以 たこのる シャ 官完審正罪倘莊頭撥什庫牌頭隣佑知情不舉事發 刑部究審如係漢民許本甲牌頭隣佑拿送該管地方 是有為盗賊之跡者如係旗下人許莊頭於什庫拿送 說明依期歸屯敢有成產結夥淌漢混雜仍前出入無 往来路程依期歸也其漢人攜帶弓矢出屯者則向牌頭地保 事上京或往某處所幹何事須向准頭撥什庫說明仍計其 併按律究治其近京三百里內各村屯內出入雜路 7 飲濟堂文集

朝廷好生之仁耶臣極 做賊則柵欄嚴閉不得飛越而又譏察如此其嚴家自 金少四母全書 皇上如天大德垂念兵民最為篤至 引滿人而安心於務農業滿人之精壯者亦不至為漢 為守人自為防自然盜息民安漢民之好狡者不敢勾 撥什庫等掌之彼其白畫欲做賊則畏伏路官兵夜欲 勾引而養銳以待調發又何至犯法被戮救援無路 壮兵虚耗而田業荒蕪以傷 Ī なニ

顺治十七年四月十四日奉 畿輔根本之地所關尤為 古該部嚴察議奏 國家足兵足食之遠應以絕盗賊充斥之根源如果臣 奏防範之法以為 j 據實條奏疏 康齊 堂之集 不小敢不切實具 5

題為遵 銀定匹库全書 都察院左都御史臣魏裔介等 所致惟有實圖省改可以仰副 上天示假九早属疫灾肯选見寇盗未寧皆臣子不職 虚懷求言切念 一谕引咎自责 在,勞之意的有所見

治理惟 執法之虚名是以官吏務為嚴刻請自今以後內外 等九以懲酷吏也今失出者獲罪固宜而失入者反邀 文所載失入者甚於失出失出者減五等失入者減三 國家之大法臣子所宜共守或出或入皆為有咎然律 律者 一衙門只以律文為主無無失出失入之咎 |俯賜採擇 北濟堂文集 ŧ

勅下工部通長打箕凢係要緊工程辦理如不急之務 皇上衣服不好華麗光禄錢糧又無多貴大馬之勤儉 於窮困今 銀兵四庫全書 即請停止此亦節用省財之要者也 不能過之惟是遞年營造之工似猶未息夫工有必不 可已者亦有可已者合無 治道首尚節儉天地生財有限惟九事節省則不至 建言得罪之官蒙

赦文 **鉛書文武官員見在因公里誤議** 古定奪 勅令各該衙門奏明請 城池失守之外豈無有懲艾已及才堪任用似宜 朝廷大典滿漢各官雖不係建言得罪除貪贓壞法 くこうこ 皇上鴻恩宽宥嘉與維新然使功使過乃 顺治十七年正月二十五日奉 1.1. 兼濟堂文集 -議降議罰及戴罪 Ė

詔古相符 動吏部速行奏明庶於 官未見奏明一人請 金好四母生書 刑之下受苦不過致有誣招請 拒不招者衆官員立明案驗方許用訊今問刑衙門未 住俸各官各該衙門奏明寬有至今半載戴罪住俸各 有贓証一縣夾訊甚而將干証不承之人一縣夾訊嚴 夾棍謂之訊杖查得舊例一款犯重罪贓証明白抗

逐刑無完民查得舊例刑部各司問過犯人送各道御 司核議只在一處雖不敢不虚心祭酌而事多限迫豈 朝廷設立三法司欲其再三詳慎而不敢忽也今三法 勅法司以後如無的據証佐不得擅用夾棍則問理之 史復審仍送刑部刑部再送大理寺評議記仍送刑部 上疏今宜令小法司在本衙門各行詳審然後三法司 官皆務為寬平矣 人命事情重大

人こうこ ハル

兼濟堂文集

Ī

|總兵劉芳名調赴江南計程殆將萬里行糧所費固多 皇上如天之仁也 物之時雖係立决之犯亦可待至秋後又古有正五九 堂上官同審面議以遵 銀片四库全 不行刑之例皆足以廣 盗賊竊發征調所不容緩但當於附近調發如寧夏 一論矜恤詳慎之仁庶無忙錯之咎至於威夏長養萬 如總兵陳德經河南折車銀至四萬兩民何以堪請 1 卷二

都察院左都御史臣魏裔介謹 古該部議奏 客鑒採擇施行 擾矣以上七數謹就管見條奏伏真 題為詳陳救荒之政請祈 順治十七年六月初五日奉 勅兵部以後窩遠之兵勿輕於調發則行糧省而民不 てこうこ シュー **詳陳救荒之政疏** 便濟堂文集 支

使百姓流離死亡則户口愈少地土愈荒財賦愈以不 遇旱極草根剥樹皮骨肉相食及今之時而不為拯救 枯秋苗布種者少山東河南江北尤甚昨歲遭水今年 國脉事竊照堯水湯早自古不免然而民不至於流離 皇恩頒布以蘇遗黎以培 帶地方其民皆長大剽悍膽力過人自古以來盜賊多 足宣所謂民為邦本本固和寧之道乎况准徐歸德 死亡之甚者以有補救之衔也今歲天氣亢旱二麥多

銀片四样全書

請 盗則饑故其弱者甘心流離饑餓而死其强壮者則挺 **st** 以寬延日月者謹條其事於左 恩皆倫民命得延盗萌可息此正極溺救焚之時非 起於此然民非樂為盗也冒法而為盗則死畏法不為 くこうこ ,數處宜令有司停止敲扑踏勘災傷分別荒之分數 為盗矣設法以服救之衣食之門 租額以蘇民因歲荒民錢救死不瞻奚暇完租 1. 1. 兼濟堂文集 開骨髓之 兙

|多戶四庫全書 |設宜令撫按連行清察給發以救整整待哺之東其春 古蠲免其官員祭罰亦應停免 國家設立常平倉原以備畿荒救民命前臣考聚江寧 夏解部銀仍盡留用以濟窘急 如頓濟今之有司惟知煮粥之法然城居附近者得食 巡 發積貯以救機 客荒政十二發財為先 議給散以布實惠眼濟之法聚濟不如散濟零濟不 按衛貞元册籍知有積穀二萬餘石令兹数處積

僵仆道途而死有司徒博日服多人之名不得食者多 民者食之所自出也販民即所以足食請 臣姚延啓顧豹文已具有貸漕之疏部覆未允臣以為 月三斗之糧頓而與之令得家居安食不至奔走廢日 矣不若投報花名量口給散如一 而且得以稍務生理修其就畝矣 貸官栗以俟補償春貸秋償古来善法昨科道二官 ī 一碗之粥隨即枵腹其鄉村居遠者赶越不及以致 飲料量之世 人應日給

敕撫按督今有司除起運糧銀難以輕動外其存留銀 古移栗之法請 之次貧者貸之賬則按名給散不復責其補還若有力 勅總漕督令有司不拘何項糧米審察戶口極貧者賬 而貸者開造清冊以待秋成一 兩暫以借用選忠厚官吏轉雜于糧賤地方歸而減價 行官雜以資轉運境內災傷野無青草出雜于外 舉于民米 價不致騰踢 而民受其利矣 補還則公私兩利矣

级定四届全書

勅部速定條格以示鼓勸 明之舊典有給與七品八品冠帶者有隨時請旨表 在有司化導隨其捐貲多寡立一清冊分別褒獎當考 不倦伏祈 為義門者有豎立牌坊者有特賜勅書以與 戒抑價以來外商民情照照皆為利来 者在朝廷初無所費而好義者獲禁自然樂 勸富民以廣相生貧民忍機待難富民安得獨享要 抑其價本 勸

|欽定四庫全書 軟撫按申飭豐稔地方勿得過雞如有不遵恭治勿貸 境之有穀者閉糶而不出外境之與販者裹足而不前 天下一家何此疆爾界之殊請 多米價日賤是在各地方有司實心行之 昔范仲淹知杭州包拯知廬州皆不限米價而賈至日 困乏所積無幾分多方設法始克 有濟當考明之景泰 禁閉糶以廣通融告秦晉告雜亦救災恤鄰之義今 議贖鍰以廣賬貨贖錢積穀原為防饑而年来民力

責有力犯人干缺糧州縣倉約米眼濟雜犯死罪六十 四年山東河南江北徐州等處災傷令所在問刑衙門 石徒一年半二十五石徒一年二十石杖罪每一十 石流徒三年四十石徒二年半三十五石徒二年三十 不為例則費用廣而眼益溥矣 天意齊戒祈禱在五位循勞憂思况在有司敢云勞勤但 石笞罪每一十五斗今若做而行之暫濟一時之急後 盡祈禱以回 7 张衛堂文集 Ē

者時常誠格祈禱不得仍前視為故事若有此等無按 勒撫按以下一切有司凡屬境內山川可以與雲致雨 肯習勞是其心既不以亦子生靈為念又何能感格乎宜 從来故事奉行或佯禁屠沽而私食酒肉騶從導引而不 皇仁凡民饑餓有司宜設法救濟不幸而至於死即係 有司之罪况又不為收埋使為爲為狗義所食為民父 勤收虚以廣

一致定匹奉全書

卷二

請給與頂帶待其長成皆 C 1.19 52 1.45 朝廷之户口也 養至二十口以上者題 軟撫按如有餓死之民即為收處疾病醫藥之其有遺 母 種不容稍遲而貧民種粒無出耕牛無具請 棄子女照依會典令州縣官設法收養民家有能自收 貸種粒以望秋成大饑之後民食艱乏忽而落雨耕 亦獨何心宜 我清堂文集 F

金好四州全書 出力耕種以補之或官為措設種粒待其收後償之則 較有司省視或令富户借具于貧民而令貧者為之共 令所在流民准其自相保結暫聽居住侯秋成之後仍 父亦莫之顧何者恐留之而有逃人隱匿之罪也合無 稳地方而今逃人之法甚嚴民之流向他方者謂他人 秋禾有望而春饑者不至於秋饑矣 令各還鄉里則目前無驅逐之憂而得以餬其口以延 暫准保結以安流寓古者凶荒之歲移民就食于豐

生矣 助古風可復矣 賬只令者老人等掌管其出入有司勿預凡民自相救 較所在有司勘民問或買義田或輸義錢義穀存之鄉 ここ こここ 社賤時雜之貴時難之貸者量加耗利赤貧者隨時給 但恐不肖官吏因之為利請 令民間每秋家出粟麥貧富為差以備凶年名曰義倉 設義倉以計長遠常平之外有義倉昔隋開皇五年 兼濟堂文集

銀定四庫全書 較合該部速議頒布各地方有司俾事事有濟人人用 政令兹救濟所不容緩伏願將臣芻蕘之言 皇上愛民如傷常存哀矜惻隱之心屢布蠲貸賬師之 勢之所可行不出乎周禮散利薄征之遗意也伏惟 以上救荒之政共十四條皆因古人之成法而酌以時 氣不至大傷早行一日則生民一日獲福矣如果臣言 心户口不至于凋残田土得藉以耕稼盗賊止息而元 不謬伏冀

客鑒施行 國本以恤民力事竊照民為邦本本固邦寧民貧則君 題為合計天下之兵食停止加派以培 都察院左都御史臣魏裔介謹 古該部議奏 順治十七年六月初九日奉 不能獨富民富則君不能獨貧此老生之常談而實古 **ている**に 合計天下兵食疏 兼濟堂文集 Ĭ.

朝應 都兵四年全書 今不易之通論也我

農告匱不得已議及加派天下地畝錢糧五百餘萬實 朝廷寬大之恩惟因海寇連年作亂兵與不休今歲司 亡者則除其領賦災傷者則免其徵徭元元孰不樂 天順人平定六合允所以優恤民生者無不備至故荒

皇上龍飛九五海內翹首政足以望 照元年未經會計總算 狀有難以筆舌形容者若年年加派稍遇凶荒則百姓 飽矣然雖勉完此項而人 勅下户部連為籌算康熙元年共用兵鉤若干各直省 正賦若干果否足用不敷則益之以兵部之馬價再不 浩蕩之恩波此其時也伏祈 之流離死亡豈能支乎今順治十八年派詢已完而康 シューニューシュー 窮糧賤剜內醫瘡其苦難之

||欽定四庫全書 征兵鉤 此 客鑒施行臣未敢擅便為此具本謹題請 **議為民即所以為軍為百姓即所以為國家乃培根本** 數也然派詢雖在户部而用兵則在兵部以後鎮守 派錢糧即應全為停止如或所欠止一二百萬則應照 敷則盆之以內庫之金銀工部之節省如果足用其 而長治久安之要也如果臣言不謬伏祈 一百萬之數加派各直省不應仍取足五百萬之 不得逾於常賦之外是又在二 一部諸臣事事 加 臽

順治 占 病回籍調理臣魏裔介謹 原任太子太保禮部尚書保和殿大學士加 肯該部知道 7. T. ... 奏為驚聞 恭辭太子太傅疏 **揣分難安事臣自蒙** 二月十四日奉 依齊堂文集 Ē

一致完正庫 監修總裁等官著有勤勞宜加寵錫監修總裁官內大 **悉未能盡除閉門静息感頌** 聖恩告病回籍修己一載逾半調理雖已漸痊尚有餘 皇考實録告成克船一代之典章永垂萬世之模節 廷之大典兹 至吏部谷文一件内奉 天恩而已兹於七月二十四日真定府知府張臯謨送 ,諭諭吏部殫心効職者臣子之當然晉爵酬庸者朝 全書 V **を**:

級魏裔介亦者加太子太傅爾部即遵諭行特諭欽此 臣吏部尚書中和殿大學士加 光智識庸暗莫能述 世祖章皇帝實録臣不過隨滿漢諸大臣之後珥筆明 天威不違顏咫尺也但念纂修 臣於私家恭設香案北望九叩首 子太傅原任太子太保禮部尚書保和殿大學士加 聖德神功之巍煥即歲月編紀位臣子職分之所當為 兼濟堂文集 級巴泰等俱著加太 卖

安維 一到片四年全書 曲 乃蒙 命之至為此具本 聖恩如天之萬 皇上以臣犬馬奔走舊有微勞 皇上睿照不遺加此高爵力 加恩電而臣涓埃莫報不勝兢楊伏怒 回成命使臣得守其愚分捐竭踵頂難報 也臣無任惶快待 專差家人虛成美齋生 卷二 外捫心自揣有所 **捧謹具**

占山 聞 奏 道 績所加官街已有諭古著私遵成命不必控辭該部知 欠己日日上午 祖章皇帝實録告成關係大與卿董率 祗受四書解義恭謝疏 一年閏七月十二日奉 兼濟堂文集 羌

奉有 知該臣男刑部四川清吏司員外郎臣魏數遵依領到 御賜原任内閣大學士魏裔介日講四書解義 奏為恭謝 金ガロカイラ 回籍調理加太子太傅臣魏裔介謹 原任太子太保禮部尚書保和殿大學士加 有現任京官子弟于明日赴内問典新縣親領為此傳 天恩事本年十一月二十六日內閣與籍縣為傳知事 きこ 級告病 部其

恩准回籍調理是臣大馬餘生皆 關 即跪迎恭設香案望 我 聖者備員機密七載有餘於康熙十年 天浩蕩之所賜也自康熙十二年冬吳逆叛亂以来 叩頭祗受念臣樗朽庸才切蒙 一宵衣旰食勵精圖治而臣抱疴田里莫效寸籌愧 と手にいる 因病請假

随差家

人齊捧於十二月十二日抵臣原籍相鄉縣

臣

|欽定四庫全書 皇上固已躬集其成矣臣本廷儒粗知誦讀切見修 御製序文有云有四子而後二帝三王之道傳有四子 宸東記憶 之書而後五經之道備大哉言乎道統治統我 激涕零恭讀 御賜講章誠 聖主千秋之曠典亦微臣沒世之殊祭也跪捧展誦感 不欲生方深悚仄乃蒙

謝問忽傳聞 聖訓俾臣識見開朗記非至幸數正在緣本稱 皇上知行並懋卓絕古今臣細繹篇章如聆 摘句也我 義藴弘深體之有要人君為學原不同於儒生之尋意 天德而歷敘九經三重孟子陳王道而亟稱發政施仁 為本列大學之首章允執其中冠魯論之末簡中庸言 一殿不戒于火臣雖路伏寢食靡寧不知 张齊皇之書

銄 皇上之一心萬幾所待理也惕勵固不容少弛然以養 之使適於和我 皇上之 銀定四庫全書 九重之上當如何修省殷憂不遑者伏念我 國體崇節儉獎清廉則厚工自勵恤災荒均賦役則百 平尤深根本之處貪污雖已察處更嚴狗縱之條足兵)弗過于瘁今者用人行政皆次第舉行小聰漸次 而仍不病乎民生阜財用而仍勿傷乎 身萬方所共仰也勤勞固不容少懈然必調 きこ 削


寛宥 俯賜全覽臣無任棟息待 堯天舜日於無疆而已緣序述下誠字多逾格統祈 髙厚惟與田夫野老共祝 聖學日進而臣不能效改沃之忱自負罪惩罔酬 聖政彌勤而臣不克展涓埃之報 日哉惟是 姓自安即經書所載二帝三王之威治何難立奏於 題為 |欽定四庫全書 古覺卿奏知道了該部知道 間 魏親由通政司衙門封 命之至為此具本令臣男刑部四川清吏司員外即臣 進謹具奏 康熙十九年正月十八日奉 纂修經書大全疏代作 灭

皇上聰明春知守成致治法堯舜而過成康邇年以来 世祖皇帝戡定禍亂巍巍其功煥乎其文至于 朝自定門以来百務維新 之制作一代有一代之文章故五帝三王各不相襲丙 容鑒纂修經書大全以隆教化事臣竊惟一代有一代 聖治維新仰乞 /山歸藏變為周易建子建丑改為建寅凡以因時定 而移易天下之風俗化導天下之人心也我 飲商堂大學 100

||欽定匹庫全書 |實録則有修會典則有修律例則有修品級則有修則 今日纂修五經四書大全誠有不可緩者矣臣察經書 振飭網紀修明法度如 臣又係前代頒布其於議禮考文奉 大全乃明季永樂令諸臣所修因而刻布學官為士子 例則有修因革損益豈不彬彬郁郁娩於周禮尚官之 大備而臣以為治道不外於教養教民必先於教士則 講習至今因之但序用前代之君而列名皆前代之

一跃定四車全書 一人 請 須行天下學官伊士子永為遵守皆有以砥礪濯磨取 瑄凡議論純正有合經書正義者不妨補入以成全書 勒下該衙門選取窮經之官廣求博通之儒再加考訂 聖朝之法而大一統之義似為未合請祈 皇上御製新序而刪其舊序畧前代纂述臣子而列今 删其繁蕪去其小疵若近代名儒如元之許衡明之薛 日臣子之名 兼清堂文集 墨

修可並採菲補入倘是書告成是誠天地萬物之青 |書大全止有朱熹大中或問而無論語孟子臣聞原任 吏部侍郎孫承澤刻有論語孟子朱子或問倘有事纂 顏達與諸儒撰定五經疏不足云也臣為諸生時見四 道化成漢武帝之策董仲舒而表章六經唐太宗命孔 聖天子學問之意則耳目一新風俗不變人才蔚起久 法聖野趨於忠孝廉節而敬體乎 古今治道之模範我



	[l		
125					l	ا ا
兼濟堂文集卷二	1				1	-
1.3	l		ł		1	1
1/2						2
一造			ŀ			
一字			i			
					l	
11	İ				1	
1						
友	١,					
-						
	1		ļ			
1	1				l	1
	1					卷二
1						:
				.		
İ						ľ
!						
1						
1						
}						

.

Y 1

欽定四庫全書無濟堂文集卷四

詳校官檢討臣劉錫五

助教臣常循覆勘 總校官進士臣終

校對官中書臣田尹街 腾绿監生臣馮 堪 謄録監生臣史元善 琪

1.4% 開放作館 治療のなる 等地 無濟堂文集 **註為經何於嗚呼是聖** 無窮之治也是聖 士魏裔人

銀牙四母在書 漢與去古未遠治號淳朴考其崇尚惟以孝經為急故 諸帝癥稱俱加以孝羽林虎贲亦能通曉可為威矣後 下之性抒格而不相入非性治之不彰孝治之不彰也 性天下共率其性而天下治湯武自治其性以性治天 不過十六字大學一書僅千餘言為天下立心為生民 此缺馬弗講或以篇章之少置諸高閣嗟乎虞廷投受 下而天下亦治三代之袁以法持天下人主之性與天 仁者何性也性者何是天地之至善者也堯舜自率其

立命顧可以多少論即余為諸生時即誦習不倦常恨 舊註未精又以五經皆被諸經誦而茲獨弁髦視之 制回重孝經禁坊刻有裨學政部臣其詳議以聞崇安 要道適際 天子尊崇表章俾海內士子探究根柢悉從事於至德 非先聖明人性之善啓天下萬世之治之意每欲獻之 盧子爾唱時在 國雅聞之有感託其鄉先達庶常 葉子 聖土當陽圖治維急余具疏上請 旅亦聖文書

多定四庫全書 盛時方優崇孝治先生之請行遗經必復明於世傳註 雖沒鄙藉手以獻可乎余唯唯會禮部復疏請於後場 苦心於是也久矣 家所謂舉六經之異同會五經之古 趣剪蕪握樞者斯 廣其傳庶幾先聖啓廸天下萬世無窮之意燦然愈著 出題以校士子乃取盧子之註再四抽繹見其精確詳 以從遊余門而願學馬因出其所暴孝經集註曰生之 (以當之與用是少加泰正疏以未義謀付剖)例以

宣組織章句者之可提耶 當宁方側席以求真經術真性命之士而用之執是卷 致堂諸名儒實行洙泗河洛之傳盧子生於三百年後 聞風與起溯流窮源即傳以知經即經以知性此其學 夫政刑所以取頑梗教化所以美風俗唐虞三代其效 嗚呼武夷九曲之閒山水秀拔多生賢話如朱晦黃胡 ていうし 以往開太平無體之治余且拭目觀之矣 孝經註義自序 無濟堂大集

|好戶四戽全書 本然不其難乎余昔厕列諫垣時請以考經取士疏聞 合那昺剪截復多迷誤欲以探沫四之微言達天德之 經盧爾唱曾以所著孝經集解求序於余深嘆其實有 天子制口可自是海內於佩家經戸誦矣先是聞中明 之外綱示百工之軌範也而文辭簡古氣蘊宏深鄭孔 可覩矣夫子以刑述訓世晚年乃作孝經孟欲舉道徳 /說不無購駁自漢已然况於後代六家同異既難强 ,於生人性命之本源千古治化之要道因為文以弁

每欲詳加纂述之而未有暇蓄念態態十有九載兹者 請告歸里乃取舊業閉戶研究大約以註疏為據而參 之其書業已問世矣顧缺畧尚多而坊本不無紙繆余 乎夫子曰吾志在春秋行在孝經五孝終始違於古今 溺者眾勇五經之精理開萬世之太平孰有若斯經者 千言流入刑名白馬四十二章終淪空幻學術誤世腦 士因文求義無繁蕪之失得樞要之會也嗟乎道德五 之以諸家之説既訓釋其字復詳行其指庶俾後學之 黑衛堂文集

對京匹庫全書 通乎貴賤凡讀是經者皆當思所以竭誠而力行之匪 無幾人馬譬如取火於燧飲水於河得其隙光及飽腹 學其間異同離合之故不勝辨求精其要而大其歸者 來習之者不一家有高門之學有訓詁之學有附會之 而已烏有定天地四遊之影而植之中會江漢百谷之 五經之在天下猶日月之經天江河之行地也自漢以 徒資講論已也若曰希升堂而攀逸駕余且滋愧矣 五經主約序

たこのをとう 綜五經之衆説而歸於至要下惟幾三十餘年其於精 宗而趨於 **義直契乎古聖之神明舉凡僣經擬經且不以經窮經** 正不易之常道也易参天地陰陽吉立悔吝書紀政事 不背於聖人立言之微古命其編曰圭約且夫經者中 而終失其所以為經者罔不舍異得同去離爭合以求 粗大小本未始終之義無不擇之精而語之詳每監 /性情春秋辨是非嚴予奪禮以節性坊淫三古以 也哉中完蔣先生潜深理與根究源本博 無濟堂文集

金少四月石世 尚書付之蔡沈禮記說集於陳治字解句釋成於各家 陽出始舉而櫛比之然自易詩而外春秋傳於胡安國 正也學者恒以此持心而凛乎若執躬信桓殺以對賜 也三禮一敬也四始一無邪也典誤一欽春秋一大居 問舒布可定豈非天下之極則哉要而論之十冀一 將上下升降三萬里而追縱橫長短曲直不越指肘之 今先生操五寸主以宅大下中具八尺繩以約天下準 還惟漢與首重經學一時通經之儒後先並起至宋紫

資裨益其淺鮮也耶 ノこてき バルリ 亦為馬而趨已矣嗟乎今天下道之不明非不讀書者 讀四子之書循以為未盡聖人之道而舍是以求之者 聖天子菁莪槭樸之化而下廣學士大夫窮經致用之 也於以上佐 明命惟是典章服物制令約束之不敢陨於下則是書 一讀四子之書而欲知聖人之道者為馬而趨已矣既 四書近指序 照齊堂文集

家之說緝為集註其於四子之微言大義盖不啻水乳 之神理天之所以與我者何可誣也四書近指容城鍾 之合矣而後世學者紛紛欲自立門戶言勿忘勿助者 源記謬相承不敢自出一語然而自古相傳不可磨減 既未得其進修之序言無善無惡者且並失夫性命之 於聖賢意指相隔奚宮天湖自紫陽行周程之緒養諸 則為詞章之習沉墮於空冥則為邪故之說究其要歸 "過讀書而含四子以求者之過也大約泛濫於百家

良能皆言近也夫道近之而愈明遠之而愈失彼守先 待後之儒實有一段真實性地當下見得然後著書立 聖賢之初意而止標之曰近指明其不敢為高遠之說 說的示來茲令人觸處貫通洞若觀火而不然者幾何 也易曰近取諸身夫子曰性相近也大學曰藏身乎怒 不望洋而嘆岐路而悲也先生近指之意具在斯乎其 中庸曰造端乎夫婦孟子曰仁人心也義正路也良知 元氏作曠覽百家獨存正解不求異不尚同惟求合於 無存室大法

多方四库全書 學起於劉静修先生而椒山先生行之江村應先生開 其局而孫鍾元徵君大之今大儿人之心與聖人之心 著為一家之言以定所宗所以傳道而知性也上谷之 毫未之別也然學之有得者則必於此而講習討論 四子之書貴融會貫通而不在於字句解釋之間文義 |光知道而後可以言學亦必知性而後可以言道 四書偶錄序

手不同究之一而已矣魏子蓮陸中年從徵君於夏奉 盡得其平生之學而徵君亦以為傳吾之道者運陸也 村徴君契悟之言間復附以巳意總之以存天理遏 凡所著述既皆詳綜而傳述之入以其餘服著有四書 · · · 欲而不争於字句解釋之間文義毫末之別也徵君曰 也尊德性道問學也合之則雙美離之則两傷但其入 ₹錄中所聞發皆實有心得而所記錄者則先儒與江 也其不一者異端害之耳主敬存誠也格物致 抵俸 堂文集

欽定匹庫全書 見而知者是何物聞而知者又何物知其道也知其道 謂存天理過人欲者而見夫天命流行之妙無一 而已蓮陸之為此書也正欲使學者知吾人之心與聖 時習敏求是何事汲汲皇皇惟恐失者又是何物入曰 之心原無有二惟從事於盡人合天之學以得其所 知其性也性統於天自堯舜至孔子不過各盡其性 孔孟之學亦不能含此而他有所求矣豈獨為徴君 則博綜經史貫穿百家無在非道所謂一 以賞之也 一郎之

大成然後聖學昭揭如日月經天而其說之猖狂叫呶 墨者自朱晦養紹述關洛探贖索微諸所考定可謂集 桑不至浙減而不存百姓猶得與於治安之澤者聖人 在楊墨後世異端在佛老佛老眩瞀逃人更有甚於楊 /道為之所也延異端都說往往起而亂之戰國異端 學廣其傳於後世哉 (謂朱子之功不在孟子下何哉三代以後天理民 匹書集說序 · * *

| 欽定匹庫全書 官永為遵守蔡虚齊家引林次屋存疑朱註之功臣也 者頓息其為有明一代尊崇理學尤為極至永樂問命 經由示後學俾正其心街心街正則事業正事業正則 百姓安成弘隆萬之間其效不既可睹我自禪宗之說 陳紫奉淺說入推蒙引存疑之意而廣之要皆羽翼聖 儒臣蔡修四書大全莫非發明晦養註釋之意猶諸學 漸中於家國堯山徐學憲吾師也介東髮受書即聆其 既熾而龍谿卓吾之流入室操戈愈傳愈失其禍遂至 卷三十十十月

緒論几所著述 繁輯要東為一書曰四書集説付之録梓介得而卒業 學術以正人心以端風俗以釐所謂天理民愛不至澌 擴抵 融結勒成一家言以是紹述前 賢啟她來葉將見 梅養之說而乳曾思孟相傅之道也今日者深思遠覽 乃喟然曰兹數書者非諸子之說而晦養之說也又 八於那說者年來杜門謝客土苴華膴取此數函刪 以晦菴為宗主而深嫉向之穿鑿割

銀定匹庫全書 本天言道以人治人而非一毫人欲私偽之所得而託 言明德中庸言誠論語言仁孟子言性善一而已矣孟 也夫子以授曾子曾子以授子思子思以授孟子大學 余錄四書大全篆要序畢作而嘆曰詳觀四子之書皆 過馬若徒買櫃還珠謂蓺林之嚆矢已也則淺之乎視 此書矣 >歿不得其傳故漢唐以來非無功業才力足稱之士 四書大全篆要序

見士人童而習聖賢之業及其長而盡棄之且也置聖 集註者四書之孝子忠臣而大全者入集註之孝子忠 而優入聖學者終鮮即河汾昌黎不免大醇小疵其他 治之基哉余垂髫即服膺此書乙亥丙子閒手錄 註之微言臭義亦幾不明大全一書豈非入徳之門 臣也後之欲窺聖人之道非集註何由進非大全則集 可知也濂溪明道卓然續鄧魯之統而紫陽復集其成 ,披釋後登仕版垂二十餘年未嘗一 日去諸懐當

欠足の巨人と

無濟堂大集

修業之標準而併望海內之學道君子由此以求大全 賢之書於高閣而珍重異端之說服習異端之教空虚 時所錄大全纂要稍加損益刻之家塾以為子第進德 世 見大全之汪洋浩瀚而不能窥其涯際也因取為諸生 誕妄羣趨如鶩仁義五常缺馬不講母惑乎大道不的 一全復由大全以求集註由集註以求聖賢之心與己 風日下也余既以幼之所學不敢忘又恐世之學者 心則訓詁之學與性天之理一以貫之豈曰筌蹄

裹

端緒愈著人知心性之古家有洛閩之書所謂繼絕學 ス・ラ と ノ・ム・ 舊糟粕之餘巳耶 開太平者其在此數昔人云士生三代之後未為不幸 論語孟子十 三經之二耳自程子表章大中為四書 而 乳曾思孟心心相印入聖梯階端在於是余為童子 以其書具而事多也然此不過博物洽聞耳若四書者 四書精義柔解序 /精微愈彰自永樂集諸儒纂修天全而考亭之 無濟量大集

看四書曾取時人 寓為學之深心馬嗟乎世之人鶩於功利也久矣以聖 付之剞劂流傳海內矣適庶戊以避賢謝容為兒輩說 有悟入處因手鈔大全纂要[書年丑歳復加訂正遂 然不得其指歸求之愈繁而失之愈遠既而詳觀大全 發明也辛亥與里後兼取近人十數家刪繁就約然 以集註大全為準而問有所發明盖亦即講意中而 週大約宗大全而參之以蒙引存疑淺說未能有 八講意十數部陳設案頭批點較閱茫

金月四库全書

示不建而敢自詞為仰遊魯鄒心傳平 之莫能知其萬一行且以是就正於海內賢人君子 而非出於一己之臆見也夫聖人之道猶天然以管窺 為勿自欺存心養性之為事天天人合一內聖外王寧 知博文約禮之為仁明善誠身之為豫立戒懼慎獨之 經賢傳為博取青紫具不返而求之於身心以盡其成)成物之實誠有如考亭所謂俗儒異端之與者若果 此而他求乎集成名之曰精義彙解言其會聚衆長 無府堂文集

一多分四库在書 **恭之註疏而堂與以於學者由此而研窮探索馬於以** 其孰能與於斯耶自有漢儒之註疏而局鑰以開有晦 易知易能可久可大至矣哉非天下之至精至神至變 **技故耳不簡則理不約不挠則古不明故宋元以後說** 比皆是是皆始於幼學受書之日尊之不簡而引之不 優入聖域無難也然何以童而習之白首而茫然者比 舉萬事萬物之理盡攝於四子之書而握其要望其極 四書簡提解序

業所宗者多尊張泰嶽直解一書夫其正講之外旁引 之光淬蹄之水時滅時涸其亦不足為輕重已近代舉 深文與說取其明白通曉便於重蒙之講習云爾大蒙 比縷析而貫穿之可謂淺顯之至矣而初學猶或難之 由喻往往歸於君德王道盖以是書出於經從日講籍 四子之書者自李九我大全蒙引存疑而外餘皆皭火 因更取而順文數義手輯一解名曰簡提置之家塾無 以為匡襄啟沃人臣納誨之義則然也然其字櫛句 民存置之礼

|鎌定匹庫全書 昔者夫子既殁子夏氏改教於西河之上魏文侯尊之 理亦庶乎由此而得之矣故序而告諸執經問業者 近要皆根柢於大全蒙引存疑諸書而無一切離歧背 惟其易知而易能斯可大而可久故是解也雖立說淺 以養正作聖之功也欲仁仁至大同之理也聖賢之書 為師而不敢臣也迄於今二千餘年西河之人尸祝 襟於佛老之說以盡人之心志則至精至神至變之 先賢十子集序

成之是不朽之盛事也弟慈肅然改容曰謹奉教蒞任 維謹罔敢有關大當春秋之終戰國之始斯道絕續之 且子夏氏之言論風指散在論語詩禮家語諸書輯而 即無欲速無見小利二語推之治天下可矣况一色乎 口平遥古西河之域也聞下子先賢祠在馬是良師也 平遥将行亟請於余曰第不才學製兄必有以教我余 解哉而惜乎未得覩其全書馬乙卯秋會裔懸弟筮仕 關子夏氏獨留其統於西河之上其有功於沐泗直淺 纸布堂文集

然亦問有所抽釋雖管窺蠡測無當於先賢之益與然 成州曰先野下子集問序於余余覽而善之其載在四 者以此為分堂入室之籍資伯仲於顏曾思孟如魯壁 書者諸先革發揮良多不復贅語餘則器加疏說而弟 數千年散漫之語一 其式憑之矣 之再見名山之初出宣非曠世而相感者熟先賢有靈 一載政通人和乃於公務之服旁搜博稽俾姪弱手錄 一旦滙而成書使後之人徘徊想像

多方匹库全書

次定四年至時 **養為定論至於妙契心悟即傳可以不補而諄諄然補** 之者所以示後學以周行恐其迷而入於他途也余當 物之旨豈不互相發與顧格物之說紛如聚訟終以晦 問之慎思之明辨之誠身之功則曰篤行之與大學格 大中窮理盡性至命之書也根於尚書符於大易聖人 而大學歸於格物然中庸言擇善之功則曰博學之審 開物成務大經大本化育盡於此矣然中庸但言明善 大學管窺序 無濟堂大集

品學問已自範於中行而循思學者之窮大而失歸 金り見 獨取大學一 國天下身心意知而歸於格物本於修身其係目雖分 忠恕所謂一者彰彰美至其所貫則未顯言及讀大學 其綱領則合三綱領乃つ 明德新民止至善以至於知止定靜安應本未終始家 疑夫子傳道於曾子曰吾道一以貫之曾子告門人 以貫之尚何疑乎蔚州環溪東淑靈清和之質其 一書詳究而討析之解聖經註補傳詮格 卷三 | 網領也八條目乃一條目 八日

とこう! þ 果由是而知所用力馬知行合 恐不足以行遠余則曰說理之書期於正當而已學 與所未發更了然若指諸掌矣非其識見之廣大造 庸可窺庶幾永無收路之惠也即以此公諸海內 精微烏能純正無疵若此哉環溪曰此管窺之言也 買え 小學集註序 心傳頓躍然於心目之間而晦養之所已 黑麻堂文集 一大難後獲即大學而 ļ 一指 可

崇實行尚有古教之遗自晉魏以來或崇尚佛老或姚 蔚起禮義成風治安之效權與於此西漢去古未遠敦 多分四年全書 擴小學之規模也三代教人有序故其成材之易譽髦 自三代而已然去盖人生自童年以後嗜然日增知識 古之為教者家有數重有厚州有序國有學小學之法 習綺靡自垂髫授書而富貴利達之見薰蒸膏育難以 知約束故小學者所以立大學之根抵而大學者所以 日繁自非端之以訓誡嚴之以師保則心志流蕩而不

騖至於則古昔稱先王德由是進業由是修乃視為平 充棟雖窮年鑽營稣目劇精究竟無得而學者趙之若 亦不失於令名而其如溫辭邪說離經畔道之書汗牛 朱子集諸儒之成蔡鄒魯之緒所著小學一書盖即內 針砭此賢才所以衰乏而治術不登於純熙也昔晦養 之道學者果能循循服膺守而勿失上之希里希賢次 而其所篆之嘉言善行莫不近裏着已切於修身正心 則曲禮弟子職諸篇而引仲之以立教明倫敬身為網 1.4. 無海童文集

之材立大學之根柢當奉是書以為蒙養之基乃因兹 言之不誣而恐後學之闕馬弗習也故以為欲成天下 易無奇而不加務誠可為悼嘆也許魯齊云小學! 聖學知統錄者述見知聞知之統也自孟軻氏既沒聖 刻而為之序言於簡首以著其景仰之願云爾 余敬之如神明愛之如父母余幼嘗誦習竊見魯齊所 聖學知統錄序 人於秦雜覇於漢佛老於六 八朝詩賦於唐至宋

金分四库在書

人こうし ノニー 然以發大中至正之極則而功利雜霸異端曲學之私 欲息邪説放注解稍有助於化民成俗之意也學者志 之本於天由孔子而後終於許薛以明知學之不絕於 與氏之意而發明之由堯舜而前始自伏義以明知學 幻妄之說家天竺而人柱下知統遂不可問矣余因子 乃有濂溪程朱繼起伊洛淵源粲然可觀其後為虚無 不敢一毫駁得於其問誠不揣固陋亦欲存天理過 (其間或及諸經史或徵諸先儒盖推天命人心之自 無存量文集

剑分四库全書 聖人之道由是而求之水木本源宣不的然覺悟而知 見知聞知不知厥中不可謂之見知聞知也吾願學聖 其要曰知所知維何亦曰知厥中而已矣知厥中謂之 之要而推其本曰中孟子終篇述聖賢傳道之意則揭 天之所以與我者良有在乎昔論語終篇述帝王治世 人者從事於格物致知之學 郵者何嗚呼自孔孟以後

善之道本自易知不求者失之不著不察而過求者失 能無可無不可而尚足以為聖人乎伯夷柳下惠吾從 道之不明於天下也久矣直道之難知哉天命人心至 之索隠行怪此其所以終於不知也孔子曰不得中行 孔子而已然余觀二子之所學實亦有未易及者雖道孫 人之列乃入曰隘與不恭蘇子由古史則云夫人而不 之干城也伯夷柳下惠論語以為逸民而孟子臍之聖 而與之必也狂狷乎中行者聖道之醇詣狂狷者聖道 î

淺深時命有隆替師友有淵源德業不同要皆篤志進 雖無文王猶與者耶使得聖人而為之師其所造入寧 代與自董江都以下至萬存之或材力有厚薄學問有 後世學者知所景行馬至於世所好尚而悖於理與近 江海龜見之濟於公宗也余因据據遺傳詳為論述像 止是已乎以之羽翼聖道鼓吹六經亦猶淮泗之歸於 修挺然自立不惑異端潜心布古宣非所謂豪傑之士 孔子亦亞聖之傳清和之赞良非誣也天運逓衍賢哲

之言曰道之大原出於大言道而不知天者豈非應說 道之不的於天下也久矣俗儒梦之異端竊之吾道之 闡其微而其說乃詳盖皆以行天命之精也善乎董生 海內大賢匡其不逮而齒之若曰知我罪我則余豈敢 恐開不正之端倪而未合於天命人心之本然也尚冀 於理而未深未醇者並不采錄夫豈不欲汎爱無收誠 存其有幾乎昔道開於義文而集於孔子顏曾思孟歷 周張程朱正脉序 民祭旨之表

豺定四庫全書 脉盖周張之學既得於易而程朱之學復得於周可以 **吉取十之五定論取十之八因名其書曰周張程朱正** 儒合刻一書太極圖說張子之西銘固無可增減而程 統宗是用怒馬憂心思有以挽之會家蔵舊有宋四大 哉介生於世遠言湮之日聖道不絕如緩海內挾異說 明所輯未免有泛雜之處余政務之暇細加刪削於微 門微古與朱子晚年定論一為周海門所輯一為王陽 以爭鳴者又非一家一氏天人性命之要學者將失所

聖者聰明曆知有生知安行之美自皇古以來盖可以 為孔孟之功臣肖子所謂道之大原出於天者得四子 漸追又何俗儒異端矯偽梦竊之足虞也哉 則知道之本體原於太極而昭事在乎存養知行動静 大人合 /書誘掖而扶進之昭昭乎其可睹也學者神明其意 有志於道則願學聖人而已矣美以賢為哉雖然 希賢錄自序 誠意慎獨切近分明雖作聖之功可因此以 Ť

嘉言善行誠有功於後世也余届暮年愈知學之有益 歸里以來復輯希賢錄一書盖隨其目之所見錄記之 畜君子以多識前言往行以畜其徳而朱子作小學分 始有二也而前言往行不能無助馬易曰天在山中大 聖聖希天觀此言也似若等而三之究其所希者何物 則亦不過此獨知至善之一念積之至於可久可大未 不愧於天之所以與我者周濂溪先生曰士希賢賢希 屈指計而下此者必孜孜矻矻從事於知行之功以求 欽定四庫全書

也父兄所以購經史延名俊風與夜寐鰓鰓然惟恐其 俾學者就於賢人 設庠序立師儒命司徒敷五教諄諄然惟恐其不詳盡 理盡性至命之道大縣已蘊括而無遗矣夫朝廷所以 久而成帙其大綱有五曰為學曰惇倫曰致治曰教 淡世中間復係分樓晰融會貫通盖舉修已治人 周備也此意何為也我亦不過培養沒有陶鎔氣質 協於宜其始也敬業 師而り 無衛堂文集 樂羣其既也鹵茶裂滅卑者趨 一年若教之不得其要尊之 Ī

志之士潜心玩索敦勉不倦而因之以考其全逐其養 |好戊匹庫全書 道人心不無小補云 亦竊取周子通書之義而祭赞考亭小學之傳其於世 庶幾修之於家者即可獻之於廷因名之曰希賢錄盖 余幼習訓詁長歷患難心長髮短知慧日枯忽忽遂及 采古今嘉言善行而取其不偏不倚有倫有序者使有 於富貴利達僻者入於異端邪説可不痛哉余之此書 約言錄自序

人こうしいい 意此之謂也顧詳說反約子與氏以為學者之指歸不 應名言所不及則退藏於家者知之書不盡言言不盡 說矣得其說也可以博矣於已之冬註籍在寓謝却 終不悟矣可不懼耶可不嘆耶顧諸子之言終多雜亂 有博也則何以説不有説也則何以約得其約也可 領之以真實之義則十不失一又况殊途同歸一致百 而聖經賢傳莫非淵懿鶩之於縣麗之詞則十不得 四旬念古人於此時乃學問之一 無衛堂文集 一大關頭也若其不悟 子型

虞仲翔謂世有一人知我者足以無憾大仲翔文士也 也何不可知之有雖然一言之謂約無言之謂約今此 士或不能知之余之言則人之所常言人之所能言者 册子爾門人陳晉公盧爾唱見而悦之請付剞劂嗟乎 為內外二篇曰約言錄底幾從此自反以求放心不負 交閉戶高吟追憶舊聞隨手記錄得二百一十餘則 錄三萬餘言己 大所以命父母之所以與我者存之家塾為子弟兎園)非約矣又保其中之無紕繆耶吾願

金分四月在言

卷三

讀書不讀史即空談心性終不脫學究氣讀史而不能 其肯綮之所在而後一代之治亂本未了了於胸中於 自具心眼矮人觀場並無所見猶之乎弗讀也故必得 覆缺奚不可 到放劉恕范祖禹之長据撫蔡述歷十九年而始成後 以出而應天下事無難矣昔司馬温公作資治通鑑合 - 學者從聖經賢停自求其所為約者則此錄即置之 ういくに 讀史於言序 狼存室大果 Ē

畫龍者點睛不在乎區區鱗甲之間也介風水之餘檢 史每有闡發不隨古人論斷為是非而東西周晉及藩 付剞劂以廣其傳庶幾讀者即約以該博驗古而知今 中年以後益加研究以温公通鑑紫陽網目參廿一全 紫陽作綱目與通鑑互相發明是知非通鑑無以成網 水考亭之功臣馬故灰人贈之以名曰讀史於言譬若 鎮河源等類考之尤極其詳核盖得史學之肯綮為凍 目有通鑑必不可無綱目也余先人弱冠留心史學台

剑分四库住書

世務以通經給以裕証抵奉為家學之拱璧耶 家之所以與我政治之所以得失天道之所以運轉 特書未暇筆削自戰國以來事蹟燉著無惡膽列凡國 事之所以推移與夫禮樂名物山川險易賢否用舍兵 君實複變紀傳表志為編年則春秋之舊例也然大書 古之史皆經也尚書春秋是已迨其後而史自為史矣 司馬子長變編年為紀傳表志孟彷尚書之遺意司馬 **鐵語經世編自序**

宗親為製序誠人君牢世度務之權量而賢人君子有 其要於是汨沒於腐儒老生之說勝銅其智聽而不可 志於尊主庇民者所當博綜而詳釋者也顧其為書卷 家有是書者往往不暇讀讀之而不能竟竟之而不得 快治繁爽牖繩極之士既非力之所能購其縉紳先生 法奇正莫不備馬是以宋英宗悦之賜名資治通鑑神 解史學之失久矣又何問經學也余自甲辰以後閱温 公資治通鑑及王宗沐所增定宋元資治通鑑一週 入

欽定四庫全書

世編余唯唯從之追立玄歸里廣平侍御審元著借本 等識其所見而論之逐付剖風以應其傳數載始竣其 孫北海先生北海曰此經世之要也可命名曰鑑語經 工盖前後有十年之力馬嗟乎温公之創為通鑑也彈 鈔錄去子索歸入閥一週再加增益每段之下詳畧不 三年再閱一週乃錄其要者曰鑑語請正於宛平少字 解温公自言惟王勝之借一讀他人讀未盡一紙已 九年之力萃劉放劉恕范祖禹之長當時能讀之者 成府公天表

一多完正庫全書 能悉通鑑之大器若不讀通鑑全書亦無由悉此書之 較易取通鑑十分之一請之者亦較逐然請此書者因 歷代古文者天地之符瑞宇宙之菁華也自依城盡卦 本未得評說之源流故余望世之君子好學深思心知 其意以經衛史未可窥一班而遂視為全豹也 欠伸恐睡余之為此書也孜孜矻矻獨為黽勉緣逃十 代之菁華霧附於丘明國語之義錄古人之書其事 古文欣赏集序

高堯舜以此已嗣是則推左傳國語戰國春季縱横掉 たこう 其最也六朝綺靡日甚唐尔之間有韓歐諸君子起良 馬故五經者萬世文章之祖而夫子州詩書定禮樂功 人文以化成天下於是乎易以象之書以記之禮以秩 倉颉作字而大文啓矣易曰觀乎天文以察時變觀平 振弊盖必得經之意以為文而後其文足以傳此文之 闔其言漸襟兩漢稍稍復古贾誼董仲舒司馬遷班固 之詩以咏之春秋以正之然後天下萬事萬物之理備 1.4. 無濟堂大集 둧

生文章正宗趙向正矣而文體割裂若近日之據選政 家文集而為茲選始己卯夏四月至秋九月克竣厥事 者類多從事於古文然或各而不備或駁而不純甚者 批評點次荒謬舛錯嗟夫古文者後學之指歸也指歸 所以與立徳立功而並垂不朽也顧選本雖多精確者 文推而廣之据摭搜輯考証於左國全本及廿一史各 不端漸且入於歧路矣余里居無事乃取幼所誦習古 /梁昭明太子文選雖稱奇書而專鶩詞華真西山先

類各體具備在人自得之耳雖非彎龍繡虎之彩已盡 晰之義馬學者倘因文以見道由古文以進於五經 偽者盡皆削去另出已意其文隨時代為序次不分門 欠己の声 名之曰欣賞孟有取於陶淵明奇文共欣賞疑義相與 縹霙缃帙之與質而有文庶幾乎彬彬郁郁者也集成 八之意可得而求也 左國欣賞集序 手不假他人盖不遗餘力矣為批住者仍之就 1.4.1. 無濟堂文集 亢 即

盟會始未詞命往來大者固見大武成康之舊小者尚 之書所可比擬國語乃各國之史丘明取而採輯之 博物閱覽不在游夏後也其間典制軌則聲名文物及 兹乎然則五經而外固難以言文矣左氏之文猶得六 有仁義禮樂之風誠非老莊關列管商孫吳洸漾權許 經之意者也彼盖與聖人同時故傳中多所稱述而其 五經之在世譬諸日月五星也不可以文字目之然,聖 人不直謂之曰道而亦謂之文故曰文王既沒文不在

文章自六經而外左國尚矣然,两漢風氣雕厚議論騰 吕教之制語視為浮夸而不錄哉 簡古藻麗可為大之程式儀型者英左國若也宣得襲 精者皆已入傳或全用其詞或但取其事而潤色以已 秋二百四十年者則亦紀載靡遗此在善讀書者詳玩 而得之間嘗取而詳訂馬約以百篇竊以為六經之 合類校觀其詳畧繁簡燦然可覩矣事與文不在春 两漢欣赏集序

欽定四庫全書 精意亦近之余既簡定左國之文乃取两漢而閱之瀕 書者固紀載之精華編摩之與府也眸之後漢體大思 尤卓子不可及馬邊網羅百代我<u>斷出以已意而識</u>足 孔融皆一代之傑於文者司馬遷班因之史麟麟奶炳 董仲舒司馬相如東方朔揚雄東漢如班彪在實察邑 **踔無纖靡險仄之習雕琢斧斲之痕記令則温文爾雅** 以濟之固因遷之迹潜精積思成漢家一代之典此二 奏議則吕明博大策論書檄則剴切詳明西漢如贾誼

之可以為金陶之可以為甓也若曰無法而可以為丈 哉法兩漢而為文循規之可以為圓矩之可以為方治 盡錄學者當取全書馳劈流覽未可以是為盡其全豹 也諸葛武侯稱王佐才其文與伊訓説命相表裏又豈 為裘葛之用左傳國策長於辭命縱橫王者治平之事 可以文士目之暖乎三代既遠詩書所記後人不能盡 一缺有間馬今之人欲建功立業以為文合两漢異法

博光歐溫風大觀哉其鉛今序事之類住者尤多不能

欽定四庫全書 唐人一 比肩林立其文之因時而發者皆有以自見於天下告 **昭明築文選之臺姚氏謂為一家之奇書其所選唐文** 燦然可觀珠光劍氣磊磊落落焜耀四映洵足以超映 則不免歧路亡年之嘆矣 夫六朝也盖由其時好文之英主立於上而魁碩俊彦 百卷以類相從各分門目雖自謂以古雅為命 居文欣赏集序 一代之文其規模制度雖不及两漢而正大典詩 卷三卷三集

難為水遊於聖人之門者難為言由其文而觀之亦游 聖道孟氏以來未之有也豈柳子厚皇甫提等可望其 左國先春兩漢六朝諸子之大而自成一家闢異端崇 夏之流亞也吾願世之讀唐文者冥心搜挟於昌黎而 涯岸哉故古文至於韓而文之大觀止傳曰觀於海者 而其閒體裁片段博大昌明則尤首推昌黎昌黎統宗 治也余因拔其尤者選列若干首以為窮經考道之助

以雕篆為工然亦沿文選之藻繪其於詩書軌物木盡

欽定四庫全書 讀名世文宗文章軌範攀龍集等然選本雖多瑕瑜兼 收且體裁殊淆操觚者莫能辨之余為諸生時即細閱 真西山文章正宗深服其理明識偉有志用世者不可 多恐後學未能盡淡也近日坊間所鬻者不過古文必 余曾選古文欣賞集美搜耀最廣批評亦慎然其集繁 以其餘羽異鼓吹之其漸幾於道也已 一請顧窮卷孙陋之儒未易觀也余是以再為兹選首 古文分體大觀序

言次紀載典故之書次序記事蹟景物之篇次論策條 對之文次吊祭問答之章次傳替碑銘之屬次書檄往 宋以來大家羣起其尚有六經之遗意乎他如李斯督 國權術六朝綺靡五代分嚣俱不足以稱粹美也漢唐 大觀倫矣大約文體雖分而總原於六經春尚詭詐戰 型人 /語次賦頌詞歌解說辨之類分校十卷而古文之 人敬慎之古次當宁綸終之詞次人臣諫說之 陵答蘇武楊惲與孫會宗王安石書孟 東府聖大果 į

多穴匹庫全書 曹君傳後雖其文至今猶存而人既非矣言多談妄緊 不登選學者推此而求其亦可以知余兹選之意也夫 兼濟堂文集卷三